

ВЫЛЬ УЛОН

2-ти АРЗЭ ПОТЭ

Стахановец'еслэсь пример басьтыса ужано

Райсоветлэн исполкомез но ВКП(б)-лэн райкомез кутыз решение кудаз вераське, что Ляпино но Коршуново колхоз'ёсын, аран удасын туж трос ыштон'ёсын юз октон-калто, что ужась кужым кулэз'я организовать карымтэ, агитационно-массовой уж колхозник'ёс пöлын уг нуиськы. Колхозник'ёс ужан удасысазы чукна туж бер пото, нош жыт туж вазь кошко. Ыче ужам понна Райсоветлэн исполкомез но ВКП(б) лэн райкомез туж зол колхоз председатель'ёсты предупредить каризы.

Таке уж'ес вань мукет колхоз'ёсын но. Кылсырьсь, Кляпово колхозын озы ик, ужан удасызы чукна бер пото, Изошур колхозын куд оgez лымбытаз 7-8 час гинэ ужало. Басьтом Богданова Евгения Естаф'евнаез талэн жыны ар ортчемын ни дыр, нош трудоденез 12 гинэ. Нина Егоровналэн 23 гинэ. Ыче ик нылкышно калыклэн Богданова Парасковья Игнат'евнаез 133 трудоденез, Анфиса Федоровналэн 127 трудодень. Малы со озы, со луэ соин, что кыкез колхоз понна сюлмасько, ужало умой, нош кыкезлы колхоз кулэ видно өвёл. Соин ик нарушать каро колхозын трудовой дисциплинаез. Ыче азьтэм калыкен зол нюр'яськоно тужгес ик ю октон калтон дыр'я. Колхозын ужамез ке уг поты ычеосэ колхозысь поттылоно—чиданы солы нокызы но уг луы.

Малы куд-огез колхозник'ёс, а соос туж трос, ужаны сётэм нормасос мултэсэн быдэс'яло, соин, что соос колхозез дун ёло кулэ каро, соос чукна но вазь султо, ужан удасыз но умой ужало. Тани басьтом Адам колхозысь кол-

хозницаосты Максимова О. Б., Пономарева В. Ф. таос 0,10 га интые 0,20 га вылысь ет'нэз ишко, нош отын ик Максимова Е. К. туж таза нылкышно 0,10 га интые 0,06 га вылысь гинэ ишке. Малы со озы, коин, что Ек. Вас. Максимовалэн азьтэмез туж зок, сое бригадир 2-3 пол чортэ ужаны, озыа трос ужалодна. Басьтом Солдырь колхозысь Максимова М. А. но Максимова А. Н. таос нормазэс 120-130 процентлы быдэс'яло, а отын ик Будин Леонид олань-талань ветлыса улэ ужан нормазэ уг быдэс'я. Колхоз'ёсын ыче Будин, Максимова Е. В., Богданова Е. Е. кад'ёс умой ужась колхозник'ёслэн чырты вылаз уло, солы пум пононо луоз.

Соин ик Райсоветлэн исполкомез но ВКП(б) лэн райкомез ваньзэ колхоз председател'ёсты предупредить каризы, что колхозын трудовой дисциплинаез кулэз'я пуктоно шуизы. Кажноезлы колхозниклы, колхозницалы валаны кулэ, что ю октон-калтонэз, дыраз нокыче ыштон'ёстэк быдэстоно. Ваньмыз ке ужамы Адам колхозысь Максимова Ольга Борисовна, Чаново колхозысь Баженова Лидия Александровна кад'е мукет таке ик ужасьёс куд'ёсыз сюэн-сюэн лыд'ясько соку дыраз но нокыче ыштон'ёстэк ю октон-калтонэз быдэтысал. Малпано луоз, что асьме районьсь колхозник'ес ю октон-калтон удасын, государстволы продук'ёсты сдать карон удасын социалистической соревнованиез но стахановск движениез эшшо но пасык вёлмытыса ю октон калтон удасын, государстволы сельхозпродук'ёсты сдать кароньсь республикая мы нырысетй инты басьтозы

Наркоминделын

Куд-ог учыр'ёсы бессарабец'ёсты родиназы эвакуировать каронлы румынской властьёсын люкетылэмен но соосын издеваться кариськыны туртскылэменызы сэрэн НКВД-лэн Генеральной секретарез **Соболев** эш 13 июле румынской посланниклы г. Давидескулы заявление лэсьт'ыз. Отын намаз-нимаз верамын румынской властьёслэн бессарабец'ёсын издеваться каремзы сярсь куд-огез конкретной факт'ёс. Со озы ик вераз, что Советской правительство куре сое, чтобы румынской правительство, сыче издевательствоос медаз луылэ ни шуыса, вань кулэ ужрад'ёс мед кутоз ик бессарабец'ёслэн родиназы бертонзылы нормальной условиос мед кылдытоз.

Таке ик заявление лэсьтэмын вал 15 июле Румынилэн

иностранной уж'ёсыз'я министрельзы г. Манойлескулы СССР-лэн полпредызы Лаврентьев эшен. Г-н Манойлеску вераз, что румынской правительство со верам факт'ёсты эскероз но Румыниысь Бессарабие кошкыны мылкыд карись бессарабец'ёслы но кыче люкетон медез луы шуыса, правительство вань кулэ ужрад'ёс кутоз.

21 июле Румынилэн иностранной уж'ёсыз'я министерствоез ответ сёт'ыз. Отын верамын асьме заявлениын гожтэм куд-огез со факт'ёсэм вылэм шуыса, нош кылем'ёссэ факт'ёсты эскерон мынэ на.

Туэ 26 июле вуэм сведениос'я Бессарабие Румынысь 149974 мурт бессарабец'ёс берт'изы. Эвакуация ялан мынэ на. (ТАСС).

„Дружба“ но „1-ое мая“ колхоз'ёсын ю октон-калтонлэн мынэмез но ужась кужымез организовать карон сярсь

Райсоветлэн исполкомезлэн но ВКП(б)-лэн райкомезлэн

Постановленизы

Райсоветлэн исполкомез но ВКП(б)-лэн райкомез „Дружба“ но „1-ое мая“ колхоз'ёсысь ю октон-калтонлэсь мынэмэ адз'ыса пус'ыз, что та колхоз'ёсын чидантэм нарушать каро СССР-лэн СНК-езлэсь но ВКП(б) ЦК-езлэсь „1940 арын урожаез октон-калтон азелы дасяськон но сое ортчытон“ сярсь постановленизэс, но сельскохозяйственной артельлэс уставзэ ю октон калтон удасын туж трос ыштон'ёс луэмын, 1 ка метрын кельтэмын 100 зег шеп, шеп'ёсты люкась пуктымтэ. Трудовой дисциплина кулэз'я организовать карымтэ, ужаны чукна 7-часэ пото жыт берто вазь—8 часэ. Ужан удасызы нормасос уг тырмытыло. Колхоз председател'ёс „Дружба“ — Чупин, „1-ое мая“—Люкин, но ВКП(б) райкомен ыстэм агитатор'ёс Трефиловен, Акузинэн ю октон-калтон ужен кивалтон интые, дырзэс колхозлэн канцеляриосаз пукыса ортчытыло, колхозник'ёслэн ужаньязы уг потало, юрттон нокыче өвёл. Колхозник'ёс пöлын агитационно-массовой уж, закон'ёсты валэктон организовать карымтэ. Таке уж'еслэсь мынэмэ адз'ыса райсоветлэн исполкомез но ВКП(б)-лэн райкомез **постановить каро.**

СССР-лэн СНК-езлэсь но ВКП(б) ЦК-езлэсь „1940 арын урожаез октон-калтон азелы дасяськон но сое ортчытон сярсь постановленизэс чидантэм нарушить каремзы понна (нарушить каремзы луэ, ю октон-калтон удасын трос ыштон'ёс, ужась кужым кулэз'я организовать карымтэ. Колхозник'ёс пöлын агитационно-массовой уж уг нуиськы) райсоветлэн исполкомезлэн но ВКП(б) райкомлэн агитаторезлы **Ф. А. Трефилов** эшлы **выговор ялоно.** Колхоз председател'ёсты „Дружба“ (Ляпино) колхозысь Чупин эшез «1-ое мая» (Коршуново) колхозысь Люкин эшез **предупредить кароно**, что если соос, та матысь нунал'ёсы выль пус'ем окмымтэосты өз кешонертэ применить кароно чурит наказаниос, закон'ёсты нарушить карем понна калык судэ кысконо.

2. Потребовать кароно ваньмызлэсь сельисполком'ёслэн, колхоз'ёслэн председател'ёссылэсь, бригадир'ёслэсь звеновод'ёслэсь кыл вератэк СССР-лэн СНК-езлэсь но ВКП(б) ЦК-езлэсь „1940 арын урожаез октон-калтон, азелы дасяськон но сое ортчытон“ сярсь постановленизэс уж вылын быдэс'яны.

Колхоз председател'ёслы, бригадир'ёслы бадзым саклык вис'яно комбайн'ёсты, аран, турнан, ет'ин ишкон машинаосты, молотилкаосты но мукет тирлык'ёсты ю октон-калтон уже кугон когыре. Со с'яна аран, турнан машинаосы зерноуловитель лэсьтылоно. Аранлэн сьбраз ик культю кертылон, шеп'ёсты октон организовать кароно.

3. Колхоз председател'ёсты бригадир'ёсты обязать кароно сельскохозяйственной артельлэн уставезлэсь 7 параграфсэ быдэстыны (ужам дун начислять карон но ужась кужымез кулэз'я организовать карон.) Сельскохозяйственной артельлэн уставез'я колхоз'ёсысь бригадир'ёсты косоно нуналлы быдэ колхоз'ник'ёслэсь ужам ужэс принять карылыны качества но количествоя, урод качествоен ужим ужез, кин сое ужаз со дунын ик выльысь ужатоно.

4. МТС лэсь директорзэ Чувашев эшез косоно комбайн'ёсты, ет'ин ишкон машинаосты ужан участок'есаз пуктылыны но обкатка лэсьтылыны. Таин валче комбайн'ёсын ужан участок'ёсты ешшо но умой-умой директорлы аслыз эскероно, шараям янгыш'ёсты палэнтныны мөгатэк ужрад кутано.

5. Колхоз председател'ёсты косоно, ю октон-калтон но зег кизён дырын организовать карыны, чукна уже потонэз—3 часэ, ужыс жыт бертонэз—пеймыгэн. Ужын социалистической соревнованиез но стахановской амал'ёсты кутыса ужаны. Нюр'яськыны ужлэсь производительностьсэ выль удысе жугонын.

6. Сельисполком'ёслэсь, колхоз'ёслэсь председател'ёссэс косоно: колхозник'ёс пöлын нуналмысь партилэсь но правительстволэсь постановлениоссэс валэктон уж нуыны, чтобы ю октон калтон ужез но государстволы сельхозпродукт'ёсты сдать каронэз дыраз быдэстыны, таин валче нюр'яськоно, лодыр'ёсын, рвач'ёсын дезорганизатор'ёсын, куд'ёсыз колхоз уж'ёсты жегатыса уло.

Райсоветлэн исполкомез но ВКП(б) лэн райкомез надеятс карисько, что колхозник'ёс ас ужазы социалистической соревнованиез но стахановской движениез эшшо но пасыкыт вёлмытозы, озы вань гужем уж'ёсты вакчи дыр куспын быдэстозы.

Райсоветлэн исполкомезлэн председателэз **Алексеев.** ВКП(б) райкомлэн секретарез **Черезов.**

Эстонской делегациез Москвае келян

Таллин, 29 июле. (ТАСС). Туннэ 9 часэ чукна специальной поездэн Таллинысен Москвае мыныны потыз Эстонской ССР-лэн делегациез. Эстонской Государственной Думаез та делегациины поручить кариз Эстонской ССР-ез Советской Союзлэн составаз Союзной республика карыса пыртыны вылысь СССР лэн Верховной Советэзлэсь курыны.

Делегацилэн составаз 21 мурт. Отын 3 нылкышноос, делегациез возглавить каре депутат доктор Варес.

Делегациез келяны понна Таллинской предприятиосын ужасьёслэн но служащейёслэн трос колоннаоссы лыктызы. Транспорт'есазы гожтэмын:

«Калык'ёслэн великой вождьзылы Сталин эшлы салам!», «Дано мед луоз Эстонской республика!», «Дано мед луоз Советской Социалистической Республикаослэн Союзы!».

Перрон вылын митинг ортчиз. Таллинысь трудящейёслэн нимынызы та делегациез зечкылаз Эстониысь профсоюз'ёслэн центральной советсылэн председателэз Абен эш. Абен эш делегациины мылкыд кариз солы сётэм миссияз азинлыко быдэстыны но Советской Эстониысь трудящейёслэн зырдыт салам вераны куриз вань калык'ёслэн великой вождьзылы Сталин эшлы но Советской правительстволэн главаезлы внешней политикаезлэн кивалт'исезлы Молотов эшлы.

ВЦСПС-лэн X пленумез

29 июле ВЦСПС-лэн X пленумезлэн заседанияз прениос мын'изы профсоюзной аппаратысь куд-ог тырмытэосты палэнтон но профсоюзной орган'ёслэсь ужэс умоятон сярсь Н. М. Шверник эшлэн докладэз'я.

Прениын выступить каризы Уралысь но Западной Сибириысь промышленной строительствоын ужасьёслэн союззылэн ЦК-езлэн секретарез Левин эш. ВЦСПС-лэн секретарез Москатов эш, Донбассысь каменноугольной промышленностин ужасьёслэн союззылэн ЦК-езлэн председателэз Савков эш, ВЦСПС-лэн секретарез Николаева эш но мукет'ёсыз.

Шверник эшлэн докладэз'я решение кутыны вылысь проект дасяны понна пленум комиссия бырийиз. Солэн составаз пыризы профсоюз'ёслэн центральной комитет'ёссылэн но ВЦСПС-лэн кивалт'ис работник'ёсы.

(ТАСС).

КОЛХОЗ БУСЫОСЫН

Почашевской сельсоветысь Ягошур колхозын куд-ог колхозник'ёс но колхозницаос СССР-лэн СНК-езлэсь но ВКП(б) лэн ЦК-езлэсь майской пленумезлэсь решениос-сэ али но уже умой-умой оз на кутэлэ. Сое валаса, умышленно нарушать каро. Кыл-сярысь, Васильев В. А. усадьбазэ 0,56 га площадь возе вылэс, татысь турынез вань-ээ ачиз турназ. Чупин Феклист 0,61 га-ысь турынез озыи ик аслыз турназ.

Нош колхоз правление но депутат'ёс талы буйгаткыса улыллям, ноқыче уждра кутымтэ. Районысь агитатор лыктэм бере гинэ таёе нарушительёс шарае поттэмын вал но турынез колхозэ басытэмын.

Озыи колхоз кивалт'ёс-ёслэн спокойно ужаменызы колхозын трудовой дисциплина куашкамын, нуналлы быдэ 5-6 мурт колхоз уже уг потало. Тани, Чупин Кузьма колхоз уже висысько шуыса уг пота, нош ас понна лудыти турыне турнаса ветлэ.

Колхоз правленилы чик могогтэк Чупинлэсь колхоз бусыысь турнам турынез колхозэ басытоно.

А.

* * *

Коршевихинской сельсоветысь колхоз'ёсын 27 июле массовой уборка кутскиз. Коршевихино колхоз 30 июль азелы 13 гектар, Гавриленки колхоз 10 га етйн ишкызы. Ю октон-калтонэн чош ик озимойёсты кизён но мынэ. Коршевихино колхоз 30 июль азелы 41 гектар зег кизиз ни.

Сельсовет'я 155 га зег киземын, 96 га арамын но 117 га етйн ишкемын.

Луд выл'ёсын агитмассовой уж тырмыт умой пунктэмын, газет лыдзон'ёс нуисько. Котькуд колхозын бордгазет'ёс регулярно ужаны кутскизы.

Баженова.

* * *

Удмуртской АССР-ысь Совнарком но ВКП(б) Обком постановление поттызы, одйг гектар но кыин овёл кизён шуыса, нош асьме районысь МТС-ын ноқыче кивалтон овёлэн, трактор'ёс ужатэк сыло, Ягошур колхозын 2 трактор'ёс ужатэк куиньмой сылызы ни. Озыи ик тракторной сеялка дась шуыса возызы, нош кизыны потэм бере сеялка ужамысь дугдиз тырмыт ремонт орчытытээн. Озыи МТС кизёнэз бере кельтэ, татысен колхозник'ёс МТС-лэсь юано луо: жожен а МТС-лэн дирекциез кулээз'я кивалтыны кутскоз но трактор'ёссэ умой-умой ужатоз.

Александров.

Чеколи колхозысь Баженов Н. К. гырысь, нормазэ нуналлы быдэ 150 процент тырмытылэ, талэсь уг кыльо етйн ишкон ужын ужасьёс но Кунаева Е. И., Баженоваос: Ул. Ив., Ир. Ег. нормазэс 120-130 процент тырмытыло. Нош Чаново колхозысь Баженова Лидия Александровна етйн ишконын нормазэ 200 процент быдэс'я. Гавриленки колхозысь Артемьева А. Ст. 150 процентлы, Таос ас ужазы вань мылкыдзэ поныса ужало, чукна туж вазь бусые мыно жытсэ бер берто.

Изошур колхозысь Богданова Евгения Ест. шунды туж вылын ни, часэз ке учкано 9 час возматэ со велись бусые мынэ, нош жыт 5 час возматэ, а Богданова Ев. Ест гуртаз ни, таёе мурт'ёс колхозын сильно гинэ луса уло, таёе кадь лодыр'ёсты ичи адзод-шедьтод. Жыны арскын 12 трудодень гинэ ужа м. Богдановалы озыи колхозник'ёслэн чырты вылазы улыны. уг яра—ужаны кулэ.

Бозино колхозысь колхозницаос Бозина З. К., Золотарева А. Н., Волкова А. ас ужазы туж умой ужало, чукна туж вазь бусые ужаны мыно, нош жытазе пеймытэн берто. Обед шорын но жегатскон овёл, соин ик таос нуналлы быдэ 4 но 5 трудодень ужало. Озыи ик умой ужало Почаш колхозысь колхозницаос Чупина А., Чупина С. С. таос но нуналаз 4-5 трудодень ужало.

Таин валче верано луэ, что ваньна колхоз'ёсын лодыр'ёсыз но, кылсярысь Дурнопи колхозын Баженов Н. К. комсомолец луэ, со 30 июле лумбыт бусые оз пота, гуртаз вужерын кут кутаса улйз. Таёе лодыр'ёс колхоз'ёсын шодско на. Колхоз правлениослы могогтэк лодыр'ёсты шаралляно луоз.

Дурнопи колхозлэн правленизы культу кертылон удьсын заниженной норма кутыллям 500 культу кертылон интые 200 гинэ карыллям со луэ трудоденьёсты разбазаривать карон гинэ. Дурнопи колхозлэн правлениезлы могогтэк тае шонертоно луоз.

Четвериков.

* * *

Ягул колхозысь колхозницаос етйн ишкон нормаоссэ мултэсэн быдэс'яло, соос тодо что нормаез быдэстид ке, кык полэс трудодень гожтозы, кылсярысь 1-тй бригадысь Дмитриеваос: Сер. Ив., Евг. Ив., Зинаида. Ан. нормазы 0,12 га, нош быдэс'яло 0,14-0,15 га. Озыи ик нормаоссэ быдэс'яло мултэсэн зег мулы гырысьёс Изошур колхозысь Богданов'ёс Владимир но Николай.

Акузуина.

Политпросвет учреждениослэсь ужзэс умоятоно

Районысьтымы колхоз'ёс турыне октон-калтонэз но ВКП(б)-лэн ЦК-езлэсь но СССР-лэн Совнаркомезлэсь „Колхоз'ёсын государстволы турыне сётон“ сярись постановлениэс быдэстон борды кутскизы но та нунал'ёсы тысёе юосты но технической культураосты октыны-калтыны кутскизы, кудйзлы колхоз'ёс социалистической соревнованиез эшшо но паскытатыса умой дасяскизы.

Юосты октон-калтонэз вылй зечлыко но вакчи дыр куспын обеспечить кароз, колхозник'ёс но колхозницаос пöлын агитмассовой но политической уж нун. Та бордын али политпросвет учреждениослэн азиязы бадзымезь задачаос сыло.

Политпросвет учреждениослэн колхоз'ёсысь очередной сельскохозяйственной уж'ёсты орчытонын значенизы бадзым. Сое адзыны луэ со бордысь но, что тулыс ю кизен дыр'я кытын ке массовой уж умой пунктэмын вал, кытын ке клуб'ёс, изба-читальняос но красной уголок'ёс вис карытэк ужазы, отын тулыс ю кизён но азинлыко орчытэмын. Соос асьсэ котыре огазезы колхозной активез, стахановец'ёсты но агитатор'ёсты. Отын орчыт'ямын партилен XVIII с'ездэзлэсь решениоссэ, СССР-лэн СНК езлэсь но ВКП(б)-лэн ЦК езлэсь постановлениоссэ колхозник'ёслы валэктон. Колхозник'ёс но колхозницаос партилен но правительстволэн постановлениоссылы отвечать каризы стахановской амалын ужанэн, социалистической соревнованиез эшшо но паскытатыса. Озыи ужаз Дурнопиевской изба-читальня (заведующеез Афанасий Борисович Афонин эш)

Умой ужазы куд-ог колхозной бордгазет'ёс. Соос асьсэ бамазы вис карытэк гож'язы умой ужасьёслэсь опытсэс, ю критиковать каризы колхозысь трудовой дисциплинаез куашкатысьёсты, лодыр'ёсты, прогультык'ёсты. Кылсярысь, Дурнопиевской сельсоветысь Чаново колхозлэн редакторез П. А. Баженов эш уно бордгазет'ёсты редактировать кариз. Газет'ёс план'я дыраз потылйзы. Тазы ик умой ужазы Чеколи но Дондыкарской

сельсоветысь Ягул колхозысь борд газет'ёс.

Политпросвет учреждениослэн ужазы таин чош ик тырмымытэ интыос но ваньна. Куд-ог клуб'ёс, изба-читальняос пытсакыса уло, яке формально гинэ ужало. Дондыкарской сельсоветысь изба-читальня (заведующеез Богданов вал). Тулыс тырысь уж борды кулээз'я оз на кутскы. Бордгазет туж ичи поттэмын Булдаков ужэз провалить карыса ужыстыз но пегиз. Сыче ик уж Дурнопиевской сельсоветысь Морозы колхозын но. Татын борд газет туэ арын одйг номер но поттытэ на, поттыны но уг малпало. Татысен ик Морозы колхозлэн котькыче сельскохозяйственной уж'ёсын бере кылемез но адзиське. Колхозник'ёс пушкын дисциплина куашкамын, тае тупатыны бордгазет пыр туж умой вал, нош бордгазет уг ужа.

Политпросвет учреждениослэсь ужзэс умоятонлы колхоз'ёслэн но сельисполком'ёслэн куд-ог кивалт'ёс-сы тырмыт саклык оз вис'ялэ на. Дондыкарской сельсоветын (председателез Афанасьев) политпросвет ужез умоятонын но кбня но уг ужа, колхозник'ёс пöлын газет лыдзон, беседаос орчыт'яны организовать карымтэ. Изба-читальнялы умой-умой помещение но шедьтыны уг быгаты. Талэсь умой ик овёл политпросвет уж Слудской сельсоветысь колхоз'ёсын но. Азыланьын таёе урод уж'ёсын буйгаткыны уг луы. Ю октон-калтон дыр'я политпросвет учреждениослэн уж'ёссы тупатэмын мед луоз озыи, чтобы соос мед луозы, культураез пычат'исен, вылй урожайёсты ыштон'ёстэк октыны-калтыны юртт'исен, социалистической соревнованиен но стахановской амал'ёсын ужанлэн организатореныз.

Колхоз'ёсты большевистской но колхозник'ёсты зажиточной карон понна котькуд ласянь юматонно колхозной трудовой дисциплинаез. Со понна колхоз'ёсын, колхозник'ёс пöлын паскыт вöлмытоно атитационно массовой ужез. Вылэ жутоно колхозной но бригадной бордгазет'ёслэсь ужзэс, мобилизовать кароно та уже вань колхозной активез.

Егит комсомолкаос трактор бордын

Коршевихинской первичной комсомольской организациысь комсомолец'ёслэн общей собранизы оргчиз. Татын егит комсомолкаосты тракторен ужаны дышетон сярись вопрос эскерыськиз.

Та вопрос'я докладчиклэсь докладзэ кылскыса комсомолкаос бадзым шумпотонэн трактор бордын дышетскыны мылкыд каризы. Озыи та организациысь 3 егит комсомолкаос тракторен ужаны дышетскыны кутскизы. Кылсярысь, А. Кротова, А. Ф. Урсегова но И. Ф. Урсегова эш'ёс. Таос али куиньметй номеро тракторной бригадыин плугарь луыса ужало, соку ик тракторез но изучить каро. Лыктысь аге, асьсэс быгатозы тракторез луд вылтй валтыны.

Вань комсомольской организациослы Коршевихинской первичной комсомольской организацилэсь пример басыса трактор борды нылкышно калыкез дышетонно.

Баженова.

Суд

1940 арын 29 июле асьме районысь калык суд, МТС-ысь Мушегов Д. П.—счетоводлэсь ужзэ эскериз.

Мушегов 1935 арысен 1937 арозь асьме районын МТС-ын ужаз. 1937 арын райпотребсоюзэ ужаны кошкиз. 1938 арын татысь, Глазове заготконторае кошкиз. Татысен нош ик туэ аре 3 мае асьме районын, МТС-ын ужаны карыськиз. Татын ужакуз 22 июле прогул лэсьтйз, лумбыт уже оз пота.

Та ужез калык суд эскерыса приговорить кариз, 6 толэзь исправительной трудовой ужлы, ужом дунысьтыз 20 процент отчислать карыса.

Ассылов.

Отв. редактор. А. Дряхлов.

Ялон

Глазовской учительской институтын НСШ е дышетисьёсты дасяны 10 толэзем учительской курс усьтиське, таёе специальностьёс'я:

1. Зуч кыл'я но литература
2. Удмурт кыл'я но литература
3. Естествознания но география.

Курсэ кутисько сыче гражданд'ёс, кудйзлэн образованиез 9 класслэсь пичи медаз луы.

Курсант'ёс толэзяз 130 манет'ем стипендиен обеспечиваться карысько.

Занятие туэ арын 15 сентябрысен кутскоз.

Заявлениосты учительской институтлэн дирекциезлы келяно.

Дирекция.



„Радянское село“ колхоз Херсонской районысь Николаевской областись. Ю октон-калтонлэн нырысь нунал'ёсоз ик тысез дун шертыса государстволы сдать карыны кутскиз.

Финансовой планэз дыраз тырмытыло

Слудской сельсоветысь, В-Слудка колхозын Финансовый планэз тырмыт'янын активно участвовать каро. Кылсярысь, 1940 арлы начислать карем сельхозналогез 27 июле 1940 аре Трефилов Дмитрий Алексеевич 100 процентлы тыриз (84 манет). Заёмлы но

коньдонзэс тыро, А. Д. Ушаков эш 50 манетлы гожкыса, ваньзэ тыриз. Районысьтымы вань колхозник'ёслы вылй гожтэм мурт'ёслэсь пример басытоно, государстволы тырыськонэз дыраз тыроно.